


文殊師利所說不思議佛境界經

下

八十八
卷五

47658



元祿九年丙子二月日重脩

皇圖聖圖 帝漸綴呂

佛日增輝 轉輪常轉

山城州天安寺法金剛院置



文殊師利所說不思議佛境界經卷下

裳

南天竺國沙門喜提留志等奉詔譯

尔時文殊師利菩薩受佛教已即時入一切法心自在神通三昧入此三昧已起神通力現於如上所說神變之事顯然明著皆悉現前如佛所言不增不減預斯會者靡不成見

是時大眾覩此神力歎未曾有同聲唱言善哉善哉諸佛如來為衆生故出現世間復有如是善權大士同出於世而能現此不可思議威神之力尔時惡魔見此種種神變事已歡喜踊躍禮文殊師利菩薩足合掌恭敬而向如來作如是言文殊師利童子甚為希有

乃能現是不可思議神通變化諸有聞者孰
不驚疑若有衆生得聞此事能生信受假使
惡魔如恒河沙欲爲惱害終不能也世尊我
是惡魔常於佛所伺求其便心喜惱害一切
衆生若見有人精勤習善必以威力爲其障
礙世尊我從今日深發誓心但此法門弘宣
之處所在國土城邑聚落百由旬內或在其
中譬如盲者無有所作不於衆生而生侵惱
若見有受持讀誦思惟解釋是經者必生尊
重供給供養世尊我之儔黨樂於佛法而生
留難若見有人修行於善要加逼沮令其退
失我今爲斷如是惡事說陀羅尼即說呪曰

怛姪他 阿麼黎 一毗麼黎 二恥音天反哆咎

鞞三阿羯波 你是多設 咄路四誓曳五誓耶

末底六輸去聲婆末底七睽迷去聲扇底八

阿普迷九普普迷十地嚩十一阿契十二莫契十三

佉契十四弭履羅十五阿伽十六迷十七普羅十八普羅十九

普羅二十輸二十一迷二十二輸二十三迷二十四地嚩也二十五

阿那跋底二十六恥二十七哆咎二十八鞞二十九訖里多三十遏三十一

訖里多三十二毗三十三提三十四毗三十五盧折三十六擔三十七

薩達摩婆拏三十八拘三十九曷寫蘇怛羅四十

寫陀路迦四十一阿四十二跋羅目多伊婆蘇履耶四十三

世尊此陀羅尼擁護法師能令其人勇猛精

進辯才無斷一切惡魔無能得便更令其魔

心生歡喜以衣服卧具飲食湯藥諸有所須
而為供養世尊若有善男子善女人受持此
呪日夜不絕則為一切天龍乾闥婆阿修羅
迦樓羅緊那羅摩睺羅伽人非人等常所守
護一切怨憎不能為害佛語魔言善哉善哉
汝今說此陀羅尼今恒河沙等無量世界六
種震動魔王當知汝此辯才皆是文殊師利
童子神力所作文殊師利菩薩以神通力令
魔波旬說此呪時眾中三萬人皆發阿耨多
羅三藐三菩提心尔時文殊師利菩薩作是
變已攝其神力即告善勝天子言天子我今
欲詣兜率陀天汝可先往令其眾集時善勝

天子聞是語已與其眷屬右繞於佛及文殊
師利等菩薩大衆於會中沒須臾之間到彼
天宮至天宮已普告衆言汝等當知文殊師
利菩薩摩訶薩愍我等故欲來至此汝等諸
天皆應捨離放逸諸樂而共來集爲聽法故
時善勝天子作是語已於天宮中建立道場
其場廣博清淨嚴好以天如意衆寶所成東
西三萬二千由旬南北一萬六千由旬又於
其中置無量百千師子之座其座高廣種種
莊嚴以天寶衣而覆其上時善勝天子嚴辦
道場及師子座已曲躬合掌遙向文殊師利
菩薩而作是言我至天宮所爲事畢惟仁降

止今正是時。爾時文殊師利菩薩與諸菩薩
一萬二千人，大聲聞一千五百人，及餘無量
百千天龍夜叉、乾闥婆等，從座而起，頂禮佛
足，右繞三匝，於如來前沒而不現。須臾之頃，
至兜率陀天詣道場中，如其敷擬，各坐其座。
爾時四天王、三十三天、夜摩天、化樂天、他
化自在天及色界中諸梵天衆，遙相傳告而
作是言：「今文殊師利菩薩在兜率陀天欲說
大法，我等應共往詣其所，爲欲聽聞所未聞
法，及見種種希有事故。」作是語已，欲色界中
無量阿僧祇諸天子衆，於須臾頃各從所住
而來，共集兜率天宮，以文殊師利菩薩威神。

之力其道場中悉皆容受而無迫隘尔時善
勝天子白文殊師利菩薩言大士今此大衆
悉已來集願以辯才闡明法教時文殊師利
菩薩普告衆言諸仁者若諸菩薩住四種行
則能成就一切善法何等爲四一者持戒二
者修禪三者神通四者調伏若能持戒則成
就多聞若能修禪則成就般若若能得神通則
成就勝智若住調伏則能成就心不放逸是
故我言若諸菩薩住於四行則能成就一切
善法諸仁者當知持戒具足八法而得清淨
何等爲八一者身行端直二者語業淳淨三
者心無瑕垢四者志尚堅貞五者正命自資

六者頭陁知足七者離諸詐僞不實之相八者恒不忘失菩提之心是名持戒八種清淨復次諸仁者應知多聞亦以八法而得清淨何等爲八一者敬順師長二者摧伏憍慢三者精勤記持四者正念不錯五者說釋無倦六者不自矜伐七者如理觀察八者依教修行是名多聞八種清淨復次諸仁者應知禪定亦以八法而得清淨何等爲八一者常居蘭若宴寂思惟二者不共衆人群聚談說三者於外境界無所貪著四者若身若心捨諸榮好五者飲食少欲六者無攀緣處七者不樂修飾音聲文字八者轉教他人令得聖樂

復次諸仁者應知般若亦以八法而得清淨
何等爲八一者善知諸蘊二者善知諸界三
者善知諸處四者善知諸根五者善知三解
脫門六者永拔一切煩惱根本七者永出一
切蓋纏等惑八者永離一切諸見所行是名
般若八種清淨復次諸仁者應知神通亦以
八法而得清淨何等爲八一者見一切色無
有障礙二者聞一切聲無所限隔三者遍知
衆生心之所行四者憶念前際無礙無著五
者神足遊行遍諸佛國六者盡一切漏而不
非時七者廣集善根而離諸散動八者如初
發誓願恒爲善友廣濟衆生是名神通八種

清淨復次諸仁者當知於智亦以八法而得
清淨何等爲八一者苦智遍知五蘊二者集
智永斷諸愛三者滅智觀諸緣起畢竟不生
四者道智能證有爲無爲功德五者因果智
知業與事無有相違六者決定智了知無我
無衆生等七者三出智善能分別三出輪轉
八者一切智智謂般若波羅蜜於一切處無
不證入是名爲智八種清淨復次諸仁者應
知調伏亦以八法而得清淨何等爲八一者
內恒寂靜二者外護所行三者不捨三界四
者隨順緣起五者觀察諸法其性無生六者
觀察諸法無有作者七者觀察諸法本來無

我八者畢竟不起一切煩惱是名調伏八種
清淨復次諸仁者應知不放逸亦以八法而
得清淨何等爲八一者不污尸羅二者恒淨
多聞三者成就諸定四者修行般若五者具
足神通六者不自貢高七者滅諸諍論八者
不退善法是名不放逸八種清淨諸仁者若
諸菩薩住不放逸則不失三種樂何者爲三
所謂諸天樂禪定樂涅槃樂又則解脫三惡
道何者爲三所謂地獄道畜生道餓鬼道又
則不爲三種苦之所逼迫何者爲三所謂生
苦老苦死苦又則永離三種畏何者爲三所
謂不活畏惡名畏大衆威德畏又則超出三

種有何者為三所謂欲有色有無色有又則
滌除三種垢何者為三所謂貪欲垢瞋恚垢
愚癡垢又則圓滿三種學何者為三所謂戒
學心學慧學又則得三種清淨何者為三所
謂身清淨語清淨意清淨又則具足三種所
成福何者為三所謂施所成福戒所成福修
所成福又則能修三種解脫門何者為三所
謂空解脫門無相解脫門無願解脫門又則
令三種種姓永不斷絕何者為三所謂佛種
性法種性僧種性諸仁者不放逸行有如是
力是故汝等應共修行復次諸仁者菩薩所
行六波羅蜜一一具有三所治障若住不放

逸速能除斷何等為三謂自不布施不欲他
施瞋能施者自不持戒不欲他持瞋能持者
自不忍辱不欲他忍瞋能忍者自不精進不
欲他精進瞋能精進者自不修定不欲他修
瞋能修者自無智慧不欲他有瞋能有者如
是名為菩薩六度一一見有三障差別不放
逸行之所除斷復次諸仁者菩薩所行六波
羅蜜各以三法而得成滿此三皆從不放逸
生何等為三布施三者謂一切能捨不求果
報迴向菩提持戒三者謂重心敬受護持不
動迴向菩提忍辱三者謂柔和寬恕自護護
他迴向菩提精進三者謂不捨善軛無來去

想迴向菩提禪定二者謂遍入諸定無所攀緣迴向菩提般若三者謂智光明徹滅諸戲論迴向菩提如是名爲菩薩六度一一三種能成滿法不放逸行之所生長復次諸仁者一切菩薩以不放逸故速得成就三十七種菩提分等所有善法證於諸佛無上菩提云何速成菩提分法謂諸菩薩以不放逸故修四念處不經勤苦疾得圓滿云何修耶謂觀身處無所有觀受處無所有觀心處無所有觀法處無所有於一切法皆無所得如是名爲修四念處又諸菩薩以不放逸故修四正勤疾得圓滿云何修習謂諸菩薩雖恒觀察

一切諸法本來無生無得無起無有作者猶如虛空而為未生諸惡不善法令不生故攝心正住勤行精進雖觀一切法無業無果而為諸衆生已生諸惡不善法令斷故攝心正住勤行精進雖信解一切法空無所有而為未生諸善法欲令生故攝心正住勤行精進雖知諸法本來寂靜而為已生諸善法欲令住故不退失故更增長故攝心正住勤行精進是諸菩薩雖恒觀察一切諸法無有所作無能作者體相平等是中無有少法可得若生若滅而常精進修習不捨是則名為修正勤耳又諸菩薩以不放逸故修四神足疾

得圓滿去何修習謂諸菩薩雖永斷欲貪而
恒不捨諸善法欲若身若心常修善行雖觀
諸法空無所得而為化衆生勤行精進雖了
知心識如幻如化而恒不捨具諸佛法成正
覺心雖知諸法無依無作不可取著而恒隨
所聞如理思惟如是名為修習神足又諸善
薩以不放逸故修習五根疾得圓滿去何修
習謂諸菩薩雖依自力而有覺悟不從他聞
然教化衆生令其了知發生深信雖無來想
亦無去想而勤遍修行一切智行雖於境界
無念無憶而於其中不忘不愚雖以智光開
了諸法而恒正定寂然不動雖常安住平等

法性而斷衆賢障戲論分別如是名爲修習
五根又諸菩薩以不放逸故修習五力疾得
圓滿去何修習謂諸菩薩修信力時一切外
論不能傾動修精進力一切惡魔無能沮壞
以修念力不入聲聞辟支佛地修定力故疾
得遠離五蓋煩惱以智慧力永不取於諸見
境界是則名爲修習五力又諸菩薩以不放
逸故修七覺分疾得圓滿去何修耶謂諸菩
薩於一切善法恒不忘失是修念覺分於諸
緣起常樂觀察是修擇法覺分行善提道永
不退轉是修精進覺分知法而足無所希求
是修喜覺分遠離身心散動之失是修猗覺

分入空無相無願解脫是修定覺分離於生
起學習之心是修捨覺分是名爲修七覺分
法又諸菩薩以不放逸故修八聖道疾得圓
滿云何修習謂永離於斷常見故名修習正
見離於欲覺恚覺害覺故名修習正思惟遠
離自他不平等故名修習正語離於諂僞不

實相故名修習正命離於怯弱身心事故名
修習正業離自矜足慢他心故名修習正勤
離諸惛愚名修習正念息諸分別名修習正
定是名修習八聖道分諸仁者我以如前所
說之義言諸菩薩住不放逸則得成就三十
七種菩提分等一切善法證於諸佛無上菩

提諸仁者此不放逸菩薩入於如是菩提分
法已則出一切生死淤泥出生死已於一切
法都無所見無所見故無所言說無所言說
故則得入於畢竟寂靜去何名爲畢竟寂靜
以一切法非所作非所取故不可取不可取
故無有用無有用故不可安立以之爲有不
可安立以爲有故應知即是畢竟寂靜說是
法時會中有一萬二千天子遠塵離垢法眼
清淨今時善勝天子復白文殊師利菩薩言
大士云何名修行菩薩道文殊師利菩薩言
天子若菩薩雖不捨生死而不爲生死諸惡
所染雖不住無爲而恒修無爲功德雖具修

提諸仁者此不放逸菩薩入於如是菩提分
法已則出一切生死淤泥出生死已於一切
法都無所見無所見故無所言說無所言說
故則得入於畢竟寂靜去何名爲畢竟寂靜
以一切法非所作非所取故不可取不可取
故無有用無有用故不可安立以之爲有不

可安立以爲有故應知即是畢竟寂靜說是
法時會中有一萬二千天子遠塵離垢法眼
清淨今時善勝天子復白文殊師利菩薩言
大士云何名修行菩薩道文殊師利菩薩言
天子若菩薩雖不捨生死而不爲生死諸惡
所染雖不住無爲而恒修無爲功德雖具修

行六波羅蜜而示現聲聞辟支佛行是名修
行菩薩道復次天子若菩薩雖於空清淨而
善示諸境亦不取於境雖於無相清淨而善
入諸相亦不執於相雖於無願清淨而善行
三界亦不著於界雖於無生無滅清淨而善
說生滅亦不受生滅所以者何此調伏心菩
薩雖了知一切法空無所有然以諸衆生於
境界中而生見著以見著故增長煩惱菩薩
欲令斷諸見著而爲說法令知一切境界是
空如說於空無相無願無生無滅皆亦如是
是名修行菩薩道復次天子有往有復名修
菩薩道云何名爲有往有復觀諸衆生心斷

樂欲名之為往隨其所應而為說法名之為
復自入三昧名之為往今諸眾生得於三昧
名之為復自行聖道名之為往而能教化一
切凡夫名之為復自得無生忍名之為往令
諸眾生皆得此忍名之為復自以方便出於
生死名之為往又令眾生而得出離名之為
復心樂寂靜名之為往常在生死教化眾生
名之為復自勤觀察往復之行名之為往為
諸眾生說如斯法名之為復修空無相無願
解脫名之為往為令眾生斷於三種覺觀心
故而為說法名之為復堅發誓願名之為往
隨其誓願拯濟眾生名之為復發菩提心願

坐道場名之爲徃。具修菩薩所行之行名之
爲復。是名菩薩徃復之道。說此法時。會中有
菩薩五百人。皆得無生法忍。尔時善勝天子
白文殊師利菩薩言。大士。我曾聞有一切功
德。究明世界。如是世界在何方。所佛号何等。
於中說法。文殊師利菩薩言。天子。於此上方
過十二恒河沙佛土。有世界名一切功德。究
明佛号普賢如來。應正等覺。在此土中演說
正法。善勝天子言。大士。我心欲見彼之世界。
及彼如來。惟願仁慈。示我令見。時文殊師利
菩薩即入三昧。此三昧名離垢。究明從其身
中。放種種光。其光上徹十二恒河沙佛土。至

一切功德光明世界種種色光遍滿其國彼
諸菩薩見是光已得未曾有合掌恭敬白普
賢如來言世尊今此光明從何所來普賢佛
言善男子於此下方過十二恒河沙佛土有
世界名娑婆佛号釋迦牟尼如來應正等覺
今現在彼敷演法教彼有菩薩名文殊師利
住不退轉入離垢光明三昧於其身中放種
種光其光遠至十方無量阿僧祇世界一一
世界光悉充滿是故今者有此光明彼諸菩
薩復作是言世尊我等今者皆願得見娑婆
世界釋迦牟尼佛及文殊師利菩薩今時普
賢如來即於足下千輻相中放大光明其光

朗曜過彼下方十二恒河沙佛立入此世界
光悉周遍彼諸菩薩以佛光明莫不見此娑
婆世界及釋迦牟尼佛諸菩薩等此土菩薩
亦見彼國及普賢如來并菩薩衆爾時普賢
如來告諸菩薩言娑婆世界恒說大法汝等
誰能往彼聽受衆中有菩薩名執智炬從座
而起白言世尊我今願欲承佛神力往娑婆
世界惟願如來垂哀見許普賢如來言善男
子今正是時當疾往詣爾時執智炬菩薩與
諸菩薩十億人俱頭頂敬禮普賢如來合掌
恭敬右繞七匝於彼國沒辭如壯士屈申辭
頃到娑婆世界兜率天宮善住樓觀中文殊

師利菩薩衆會之前曲躬合掌禮文殊師利
菩薩足而作是言大士汝所舒光至於我國
我世尊普賢如來應正等覺垂許我等來此
世界爲見大士禮事瞻仰聽聞法故今時欲
色界諸天子見彼國土諸來菩薩已咸作是
言善哉善哉不可思議甚爲希有甚爲希有
文殊師利善權大士乃有如是神通變化以
三昧力放是光明而能至彼上方世界令諸
菩薩疾來詣此時文殊師利菩薩復爲大衆
廣宣妙法衆中有七十二那由他諸天子衆
深生信解發阿耨多羅三藐三菩提心今時
文殊師利菩薩於兜率天宮所爲事畢與諸

菩薩釋梵四天王等無量諸天及一切功德
光明國土諸來菩薩不起于座於天宮沒一
念之間到于佛所皆從座起頂禮佛足合掌
恭敬右繞七匝繞佛畢已時執智炬菩薩與
其同類十億人前白佛言世尊普賢如來致
問起居少病少惱安樂行不于時世尊如法
慰問諸菩薩已普觀一切諸來大眾勅令復
座廣為說法莫不歡喜尔時世尊復告衆言
汝等當知此文殊師利童子執智炬菩薩為
欲成熟無量衆生現此神通變化之事此二
丈夫已能成就種種方便獲於深理智慧辯
才已於無量阿僧祇劫施作佛事為衆生故

生於世間若有衆生得見此二菩薩者應知
則得六根自在永不入於衆魔境界尔時執
智炬菩薩及所同來諸菩薩衆入此國土得
見世尊聽聞法故證無生忍既得忍已右繞
於佛敬禮雙足當尔之時此三千大千世界
為之震動是諸菩薩即於佛前沒而不現須
臾之頃還到本國尔時世尊告長老阿難言
此法門汝當奉持廣為人說阿難言唯世尊
此法門當何名之云何奉持佛言此法門名
文殊師利所說不思議佛境界如是奉持佛
說此經已善勝天子長老阿難及一切世間天
人阿修羅乾闥婆等皆大歡喜信受奉行

文殊師利所說不思議佛境界經卷下

裳

靡

緬彼無也

反

伺求

上候也

相寺反察也

儔黨

上朋類也

直反流也

逼

彼力反

怛姪他

上三歲去

達反中梵聲中皆作你志

反麼

母可反

哆

丁可反

鞞步迷

羯

居謁反

你

乃尔反

咄

丁骨曳

羊逝反

輸

詩注反

眩迷

上失下二字並同

梯

上烏割反

反

梨音佉

丘迦反

弭

弭尔反

跋

蒲末反

遇

下湯号反

反

折擔

上之熱下含反

及

及

及

及

我

頃

頃領反時迫

溢

上音伯於賣反

迨也

下

闡

昌演反

及

瑕垢

上音震垢

穢乃過惡之謂也

宴寤

上安也

見反

滌除

上徒洗

的

軌

及翳障

上計於反

沮壞

上才反

猗覺

上於离反此覺謂身心輕美

安和怯弱

上去劫反下音若

拯濟

上蒸字

千輻

下音福

文殊師利所說不思議佛境界經卷下

裳

靡緬彼反無也反伺求上相寺反儔黨上直流反

逼彼力反怛姪他上候也儔丁達反中徒結反唯流志

反麼反母可哆反丁可鞞反步迷羯反居謁你反乃尔咄

反丁骨曳反羊逝輸反詩注眩迷反上失滌反下二字並同莫閑

梨音梨佉反丘迤弭反弭尔跋反蒲末遇梯下湯号反


折擔上之熱反如反女雅跛反必我頃頃領反時迫

溢上音伯迨也下闡昌演反瑕垢上音震

穢乃過惡宴寤上於見反滌除上徒的軌於

及翳障計於沮壞上才猗覺上於离反此覺

也安和怯弱上去劫反拯濟上蒸字千輻下音福



猪飼順良寄附

